

謝林 徐大平 楊居讓 主編

陝西省圖書館藏 稀見方志叢刊



北京圖書館出版社

謝林 徐大平 楊居讓 主編

陝西少數民族志叢刊



北京圖書館出版社

第十四冊目錄

〔乾隆〕商南縣志十二卷	一
商南縣鄉土志	二七九
南鄭鄉土志一卷	三二七
〔光緒〕寧羌州鄉土志二卷	五五五
〔光緒〕略陽鄉土志三卷	六三九

商南縣志全圖

知商南縣事西蜀羅文思叔輯

圖考

按周禮職方氏掌天下之圖辨其邦國與其財用周知其利害此圖之所自始也邑山川地理之區分城署廟壇之建置莫不有制有制斯有圖兵燹後無志可考圖亦弗存今繪於左以俟後之經理者

商南縣志第一卷

知商南縣事西蜀羅文思初輯

建置

先王建國必擇風雨之會道里之均而定居焉司空度
土作邑亦仿此意秦漢以降代遠化遷郡國廢置日異
而古蹟湮矣邑梁州之域魏景明元年初置名南商後
廢爲商縣之層峰驛明成化十三年改商縣爲州析州
之東南爲商南隸西安府

國朝雍正三年改商州爲直隸邑屬州今採訪考証廢舊

址新基皆可識其處云

唐

呂氏春秋堯有丹水之戰以服南蠻

今竹林關

竹書紀年堯五十八年放子朱於丹水

因名丹朱

虞

契封內地史記契封於商水經注云丹水自上

洛逕商縣契始封此又昭明虞司徒契子初居砥

柱厥後復遷商

夏

梁州之域禹貢華陽黑水爲梁州

商

商高封內地商高黃帝二十五子之昆孫以地

得姓

周成王時封爵

周 上洛地左傳楚司馬起豐析臨上洛史記周威

烈九年楚人伐我南鄙至於上洛上洛今商州時邑上洛地

秦 內史南境史記商君傳衛鞅既破魏秦封鞅商

於十五邑號爲商君古商於六百里今河南內鄉有七於舖又有於村鎮

西漢 上洛地元鼎四年屬弘農郡漢初邑商縣地元鼎四年復置上洛

東漢 上洛地建武十五年改隸京兆

魏 上洛屬弘農郡俱隸司州

後魏 南商縣地形志後魏長和郡置南商通志景

明元年南商在今商南西古層峰驛今永安寨

臭角舖

後周 上洛地屬洛州商志後周上洛郡領商豐二

縣豐即豐陽今山陽商即商縣今商州時邑屬商縣地宣政元年改洛州為商州

隋 商洛縣南境舊唐書地理志漢商縣隋文加洛

字州志隋改置商洛以有商山洛水而名也屬上

洛郡

唐 商州南境屬關內道舊唐書地理志隋上洛郡

武德元年改為商州又天寶元年復為商州縣六

通志上津縣在湖廣鄖陽府界餘五縣上洛豐陽

洛南商洛乾元

考上洛今河南朱陽川豐陽今山陽洛南今仍舊商洛今商州之商洛鎮乾元今鎮安之野豬坪

五代 商洛縣地職方考五代商洛縣屬商州

宋 商洛縣地屬永興軍路宋史地理志商州領商

洛縣在商州東八十里

金 上洛縣地金史地理志商州治上洛縣商洛豐

陽皆舊爲縣貞元二年廢爲鎮又金史宋上洛郡

貞祐四年改隸陝州興定二年復屬商州元光二

年改隸河南路州志紹興九年以上洛豐陽屬金

州今興安後又以上洛乾祐畀金所謂割商秦之半

以鵬嶺爲界也金以商上洛屬河南路廢乾祐爲

鎮

商志後漢乾祐二年改乾元
為乾祐今鎮安之野猪坪

元

商州地屬奉元路元史地理志商州領縣一今鎮安

明一統志宋屬永興軍路元屬安西路商志南志安

西路元改奉元路州志金改置上洛縣元以屬商

州

明

商南縣州志明洪武七年降商州為縣統為商

縣地成化十三年復陞商縣為州而析州之東南

為商南隸西安府

國朝因之雍正三年以商州為直隸而邑屬焉州舊志

成化十三年巡撫原傑奏分商縣以東地置商南
縣初置層峰驛尋徙沭水西即今治又黃儼縣治
碑記成化十七年巡撫余子俊創建茲邑

通志謂上二說不同大抵初創置縣於層峰驛後
徙治於沭水西云今考各碑自成化十三年奏請
建城至十七年工乃告竣非二說有不同也

形勢

左依富水右據武關角山峙其北兩河經其南

西安府志

面對羣山背負叢嶺左跨沭河右環峻坂誠南北襟

喉諸路館鐫也

縣治碑記

八景 州志未注

角山筭秀 北四十里初名雙峰如筭並峙聳秀雲
霄角里先生托跡於此因名

洞水鼓音 南七十里洞水如鼓音韻悅耳

文碧疊翠 南四十里即青山疊嶂一色望之翠然

經冬夏不改

富水夾雲 西二十五里即磨峪河兩水並行曲迴
婉轉烟波流光相映帶

大嶺冠蓋 南八十里峯巒團結仰望如蓋爲邑水

口林泉之冠

高樓梳洗 南九十里如怪石壘成層層高聳下列

二石形肖獅犀有梳洗樓辨載藝文

鹽池鳥跡 東北里許昔有異鳥宿池跡結成鹽今

水味尚鹹

沐河水瑞 東關外即縣河水溫大寒不凍若科年

結冰必有魁者

八景增改

角山芝秀

秦角里先生隱處有採芝歌

文碧柳青

宋邵堯夫手植諱古蹟

雙峰高館

唐高太素暑簟清風館建此志流寓

層驛文亭

唐韓文公過層峰驛亭址存詩入藝文

鹽池鳥跡

昔有異鳥宿池跡結成鹽今水味猶寒

沐河冰瑞

河水溫大寒不凍科年結冰必有魁者

高樓獅犀

如怪石壘成層層高聳下二石肖獅犀

洞鼓鏗鏘

洞水清流宛然鼓音聽之鏗鏘悅耳

星野

周禮保章氏以星土辨九州之地所封之域皆有分星以觀祲祥故熒惑守心宋禳其咎賈沈爲崇晉受其殃廼學者求其說而不得或指爲誣豈不迂哉

按邑界秦楚間天文書云扶風以西雒陽以南爲鶉火之次商州爲上洛本弘農郡東連楚西連秦在雒陽扶風之中正屬周之分野占柳星張無疑而雒南志則云唐天文志畫天下爲兩戒以北紀南紀定度循地測天謂井鬼分居兩河之陰陽而柳宿在輿鬼東按漢源當商洛之陽晉志自東井十六度至柳八

度爲鶉首秦之分野自柳九度至張十六度爲鶉火
周之分野參之史漢指亦畧同是邑占柳宿爲可信
非然一隅之地分柳星張三宿有未當云

步天歌

柳八星曲頭垂似柳近上三星號爲酒享宴大酺五
星守

分野考

商舊志云星野分於上河漢應於下商洛秦嶺以南
之水匯入鄖襄允漢中城固洋縣漢陰石泉洵陽並